

Zarjadniski předpis

Sakskeho statneho ministerstwa za kultus k płaćiwosći Hamtskeho rjadowanja němskeho prawopisa a Prawopisneho słownika hornjoserbskeje řeče na zjawnych šulach w Swobodnym staće Sakska (VwV prawopis na šulach)

Z dnja 10. apryla 2014

Na zakładže wobzamknjenja Konferency kultusowych ministrow z dnja 2. měrca 2006 wo wobchadźenju z Hamtskim rjadowanjom němskeho prawopisa na šulach a na zakładže Zakonja wo prawach Serbow w Swobodnym staće Sakska (**Sakski Serbski zakon – SächsSorbG**) z dnja 31. měrca 1999 (SächsGVBl. str. 161), kotryž bu posledni raz přez artikul 59a zakonja z dnja 27. januara 2012 (SächsGVBl. str. 130, 149) změněny, kaž tež postajenja Sakskeho statneho ministerstwa za kultus wo dźěle na serbskich a druhich šulach w němsko-serbskej kónčinje z dnja 22. junija 1992 (SächsGVBl. str. 307) postaja statne ministerstwo za kultus slědowace.

I.

Wobłuk płaćiwosće

Tutón zarjadniski předpis płaći za wšitke zjawne šule w Swobodnym staće Sakska.

II.

Němski prawopis

1. Hamtske rjadowanje němskeho prawopisa we wersiji lěta 2006 z dodawkami Rady za němski prawopis w rozprawje z decembra 2010 je zawjazowacy zakład němskeho prawopisa na wšěch zjawnych šulach.
2. Konkretna płaćiwosć wersija prawidłow a zapisa słowow je na internetnej stronje Instituta za němsku řeč přistupna (<http://www.ids-mannheim.de/service/reform/regeln2006.pdf>, <http://www.ids-mannheim.de/service/reform/woerter-verzeichnis2006.pdf> und <http://www.ids-mannheim.de/laufend/Sprachprojekt/pdf/gr11-extra/pdf>).
3. W dwělých padach tworja słowniki zakład, kotrež po wuprajenju nakładnistwa aktualnemu stawej hamtskeho rjadowanja (staw 2006 z dodawkom z julija 2011) dospołnje wotpowěduja.

III.

Serbski prawopis

1. Prawopisny słownik hornjoserbskeje řeče Pawoła Völkela, wobdźěłany wot Tima Meškanka, 5. wobdźěłany a sylnje změněny nakład 2005, je zawjazowacy zakład serbskorěčneje wučby na wšěch šulach.
2. Wšitke wučbnicy a wučbne materialije za předmjet serbšćinu a za serbskorěčnu wučbu w druhich předmjetach maja nowym rjadowanjam wotpowědować.
3. Wužiwa-li so wučbnicy, kotrež postajenym prawidłam Prawopisneho słownika hornjoserbskeje řeče, 5. nakład 2005, hišće njewotpowěduja, maja so šulerki a šulerjo na to skedźbnić.

IV.

Nabywanje płaćiwosće a kónć płaćiwosće

Tutón zarjadniski předpis nabywa dzeń po swojim wozjewjenju płaćiwosć. Zdobom skónć so płaćiwosć zarjadniskeho předpisa Sakskeho statneho ministerstwa za kultus k wobchadźenju z Hamtskim rjadowanjom němskeho prawopisa płaćaceho wot 1. awgusta 2006 (RS-VwV 2006) z dnja 24. julija 2006 (MBI. SMK str. 342), naposledk wobstatk zarjadniskeho předpisa z dnja 11. decembra 2013 (SächsABl. SDr. str. S 895), kaž tež zarjadniskeho předpisa Sakskeho statneho ministerstwa za kultus k płaćiwosći Prawopisneho słownika hornjoserbskeje řeče a k wobchadźenju z tam zapřijatymi noworjadowanjami w wučbje na powšitkownje zdźěłowacych šulach w Swobodnym staće Sakska (RS-SorbVwV) z dnja 16. awgusta 2006 (MBI. SMK str. 428), naposledk wobstatk zarjadniskeho předpisa z dnja 11. decembra 2013 (SächsABl. SDr. str. S 895).

Drježdźany, dnja 10. apryla 2014

Sakske statne ministerstwo za kultus
Herbert Wolff
statny sekretar

Zuletzt enthalten in

Verwaltungsvorschrift des Sächsischen Staatsministeriums für Kultus über die geltenden
Verwaltungsvorschriften des Staatsministeriums für Kultus

vom 3. Dezember 2021 (SächsABl. SDr. S. S 211)